

兩朝從信錄

兩朝從信錄序

臣懿典昔從史官後事

神宗皇帝時閣臣南充陳

文憲請修

國史臣實分其任會中

格不果

累朝業未竟

神廟登遐傳

光宗皇帝三旬遺澤薄海

悲號歷

熹宗皇帝七載賓天餘黎  
戀慕凡頌述盛美者諒  
已家擁貞珉人操椽筆  
而金匱石室之藏旣不  
輕下傳人間叢談襍家

之紀又尠可上參筆削  
求其編年無漏叙事有  
章燦然成一家言者迄  
未易得此其故何居少  
澤所聞朝家故實一憑

郎抄而省直流傳詳畧  
已異其它遺散益復無  
紀苟網羅或闕即薈萃  
不光其難一也取材欲  
博而義例欲簡多棄則

榱桷亦斷溝中賅存則  
瓦礫何當席上三長所  
重識莫先焉其難二也  
朝廷是非得失之林甲  
可乙否朝佞暮賢自匪

持平折衷何繇類若畫  
一其難三也而以語于  
兩朝則更有難焉者隱桓  
則彰定哀則微自孔氏  
著書不無避忌而今之



載列多屬生存即勇于  
筆而健于舌其能皆直  
達無婉轉乎此數年內  
良未易有成書沈生國  
元乃能殫見洽耆芟繁

舉要博采獨斷爲

兩朝從信錄四十卷介門

人吳生

天泰

以序請

臣

自惟壯不如人討論之

志已付往事復安能爲

是編重也一再辭則沈  
生固以請沈生先有

皇明從信錄自洪永至萬  
曆稿創于辛酉歲刻竣  
于丁卯春已不遑走四

方時璫燄方張忌者幾  
借以行贄是秋生試浙  
闈感有異夢逾月而聞  
今上自信邸入登大寶錄  
堅志復爲是書因自言

其叙述洋纚惟蘄徵信  
褒譏參伍不介臆私即  
或因方爲珪遇圓成璧  
猶之垂堂飄瓦不來褊  
心之怒虛船觸舷適同

無意之激其果若是則  
雖序之庸何傷昔陳東  
莞著通紀旣懸書累代  
我郡支司理著

永

昭兩陵史亦貴紙一時彼  
皆服官涉練退食餘閒  
詮次成編猶易爲力生  
雋才未售屈首治博士  
家言則其專勿如家固

富于牙籤尚未獲弁觀  
中秘盡讀左右史之紀  
則其藉勿如而筆冢研  
冗旋已脫稿且上下僅  
七載而簡帙過于前編



經營止二基而淹悉有  
如舊業倘意在詳今斯  
無妨軼古抑心存體國  
不必若練都耶是編也  
行無論弁陳東莞支武

水方軌越駕卽以備它

日

國史可也觀者其毋以  
稗官而慙置且勿以典  
冊而求多云

詹事府少詹事翰林院  
學士陳懿典謹序

兩朝從信錄述意

首以年月爲提綱。而以事實條貫其中。俾覽者一往了然。絕無分雜難稽之厭。一導旨。凡事有彼此互執而不得歸一。一經

睿斷。則可否劃然。故錄中悉稱

諭誥勅制以重

絲綸。次則因述。凡心品邪正。言行得失。任議虛實。或就當身而罪露。或拚衆論而反觀。悉本

邸奏。非同勦說。次則全錄。凡在公奏議。有事關重大。必積慮于中。而後披

豈于言。如可法可傳。何敢字增句減。  
次則節摘。凡言可以覩指而竟其歸。  
事可以挈要而遺其散者。編中稍加  
刪訂。次則彙纂。凡軍國大事。如會議  
公奏。或各一議一疏。悉載則冗。遺漏  
則缺。故取其詳確不移之議。聚之一

草。以便查考。次則存信。如奏捷獻俘之類。要必的確。于何日攻城克堡。于何處擒斬真夷。庶有分別。不然。浪誇戰勝。潤上首功。如海上之游踪。邊徼之弊習。何足盡聽也。次則是非。凡是非之昭然一定而不可易者。無須置。

辨其或似是而實非。百非而一是。不  
憚剖陳。以彰公道。次則達觀。世局如  
棋。原無定着。智者千慮。必有一失。愚  
者千慮。必有一得。我旣未能掩其瑕  
瑜。人自徵其好惡。東隅桑榆。吉始吝  
終。在事者可默照。評論者可叅觀。要



必不能驅蓋世以徇意。逐一節以求全也。故時違而結獨知之契。俗賞而抱衾影之慚。愜輿望者。標風軌。犯衆怒者。凜鑒戒。筆墨無私。隨人本等。甚勿以疵美而岐嶼喜見。即此錄不言。要必有能傳之于後世者。幸毋惑。次

則平論。如熊王之獄。重在

封疆。言者雖紛。要必以司寇之讞爲  
鐵案。挺擊一事。有

神宗皇帝處分。情法兩全。進藥之人。  
票擬失當。葛藤不了。

宮未移。自應謹慎。旣移。適安其常。而

一時懷千秋萬世之慮者。急于持法。  
抱全倫彌釁之思者。曲于調停。以致  
心心有主。喙喙爭鳴。橫生功罪之疑。  
忽角玄黃之戰。人情不勝反覆。世道  
頓成嶮巇。試究竟靜思熟審。自有一  
至公至平。千停百當道理所在。當

然嘆穴鬪之非。室戈之慘。頃刻之間。  
和風唱而慶雲見矣。奈何其不然也。  
予丑之際。令人有餘悲焉。次則缺疑。  
每閱邸報中。有妙絕奏章。一經抄報。  
入錄。寫千差百訛。讀不能竟。亦竟置。  
之。良可恤也。次則採輯。凡裨官小乘。

野史塗歌。有則必訪。真則必錄。次則就正。邸報差落。不能一一憶度。或是名公鉅筆。可以信手而更。或是后賢遇目。可以簡遺而改。無分遠近。祈郵致。

明教以便訂補。

秀水沈國元謹述

較訂

劉羽儀

陳際泰

張明弼

吳天泰

吳佩

周銓

周鍾

丘子旦

常彞

錢應金

孫耀祖

程于古

郭起鳳

劉斯陞

黃維藩

荆良

周立勲

朱隗

余小星

甘禹符

王以繩

周莊

吳思穆

柴獻可

項世平

呂三錫

周延濂

沈耀辰

程定國

沈超

王節

王一經

尹任

夏金式

夏璋

尹衡

楊廷樞

李楷

沈榮

尤淪

王徽

朱羽

顧夢麟

楊葵

劉芳

朱廣

岳鑑

嚴名世

于士前

支如增

陸圻

沈蒨

沈中台

閔吉士

梅鴻中

沈竣卿

唐元弼

唐元望

沈昭達

沈期昌

夏之鼎

沈泰來

沈立基

沈嗣駿

沈果邁

沈藥

溫以介

溫儼

姚延啓

唐鐘曉

沈錡

沈鐸

包鴻達

沈瀚

俞允懷

夏之璜



兩朝從信錄卷次目錄

一卷

庚申

萬曆四十八年  
泰昌元年

八月

丙午

二卷

九月

丁未

三卷

十月

戊申

十一月

己酉

四卷

十二月

庚戌

五卷

辛酉

天啓元年

正月

辛亥

二月

壬子

六卷

閏二月

癸丑

三月

甲寅

四月

乙卯

五月

丙辰

七卷

六月

丁巳

七月 戊午

八卷

八月 己未

九月 庚申

九卷

十月 辛酉

十一月 壬戌

十卷

十二月 癸亥

十一卷 壬戌 天啓二年

正月

甲子

十二卷

二月

乙丑

三月

丙寅

十三卷

四月

丁卯

五月

戊辰

十四卷

六月

己巳

七月

庚午

十五卷

八月

辛未

九月

壬申

十六卷

十月

癸酉

十一月

甲戌

十二月

乙亥

十七卷

癸亥

天曆三年

正月

丙子

二月

丁丑

三月 戊寅

十八卷

四月 己卯

五月 庚辰

六月 辛巳

十九卷

七月 壬午

八月 癸未

九月 甲申

二十卷

十月 乙酉

閏十月 丙戌

十一月 丁亥

十二月 戊子

二十一卷 甲子 天啓四年

正月 己丑

二月 庚寅

三月 辛卯

二十二卷

四月 壬辰

五月

癸巳

六月

甲午

二十三卷

七月

乙未

八月

丙申

九月

丁酉

十月

戊戌

二十四卷

十一月

己亥

十二月

庚子



二十五卷 乙丑 天啓五年

正月 辛丑

二月 壬寅

三月 癸卯

二十六卷

四月 甲辰

五月 乙巳

六月 丙午

二十七卷

七月 丁未

八月 戊申

九月 己酉

二十八卷

十月 庚戌

十一月 辛亥

十二月 壬子

二十九卷 丙寅 天啓六年

正月 癸丑

二月 甲寅

三月 乙卯

三十卷

四月 丙辰

五月 丁巳

六月 戊午

閏六月 己未

三十一卷

七月 庚申

八月 辛酉

九月 壬戌

三十二卷

十月 癸亥

十一月 甲子

十二月 乙丑

三十三卷 丁卯 天啓七年

正月 丙寅

二月 丁卯

三月 戊辰

三十四卷

四月 己巳

五月 庚午

六月 辛未

三十五卷

七月 壬申

八月 癸酉

目次

兩朝從信錄卷之一

秀水

沈國元述

庚申八月丙午朔

後改爲泰昌元年  
八月起十二月止

帝登極

詔告天下曰維我

皇明運祚隆昌基圖鞏固煌煌大曆

聖聖相承我

皇考大行皇帝奉

天臨民四十八載乾綱在握解澤勿流淵穆端居而慮周  
海內化成久道而誠切日中。方垂恭己之衣。忽陟

上賓之馭

顧命神器。畀於眇躬。仰遵

彌留憑几之言。俯循臣庶累牋之請。

宗社大計。弗獲固辭。茲于八月初一日。祇告

天地

宗廟。社稷。即皇帝位。永維

皇考啓佑之深慈。嗣服觀揚之匪易。有懷兢惕。若涉淵冰。尚賴文武親賢。一心一德。惟是邦家彛憲。是訓是行。屬茲蒞祚之初。宜渙維新之號。其以明年爲泰昌元年。大赦天下。與民更始。

西酋來貢

時西酋卜石免雖擁王號而力不足以制素囊雅快表  
印爲爭講家私之計先是四十六年來邊因素囊不至  
遂爾空歸竟未貢市今卜酋已到邊而素囊與其丹忠  
順夫人尚無起行之期彼急此緩欲速欲遲將素之俊  
詐多端恐卜之羈旅不耐或忿激爲巢或開爭鬭之款  
苟不能保無不變而我內地之防範不可不倍爲嚴謹  
貢市之遲速不必論也

二日丁未應天督學御史周師旦上言異途尚可權宜正  
途必難假借請罷餉例開納生員歲貢二款以安士心以  
培士氣極論士風至今日方兢于賄不以教化堤防之不  
止今教化之地即先繇賄進切恐孔方操權到處攘攘人  
才不成人才國體不成國體其所決裂者甚大也士論惶



之

輔臣請復王昺駙馬都尉

萬曆四十三年昺疏收御史劉光復辭頗切直神廟以出位責奏革職為民至是已六載矣復已蒙解綱之仁乃再請未沐賜環之旨故宰臣方從哲特為陳請并及當日註誤監生人等得俞旨

三日戊申南直巡按田生金奏停織造以濟國用以避民困

起升汪應蛟工部尚書董從儒右侍郎

四日己酉起廢官吏部奏曰臣等伏諫

詔書內一款一建言廢棄并曠稅註誤諸臣已奉

遺詔酌量起用其有事關國本抗言得罪降斥謫戍永

錙沒身者吏部作速查開職名分別奏請召用卹錄欽此  
廢籍諸臣放棄數十年自分已斷于溝中無復雲霄之望  
矣

明綸一頒崑亢生色亦諸臣殊遭清朝之盛事也臣部  
仰奉

明詔盡用此諸賢于一朝豈非至願而敢有後焉但諸臣  
窮若沈晦姓名嘗不着聞黃髮老成存否亦難具悉倘其  
既朽之骨復點啓事大典爲之不光或以未當之舉啓涸  
宸衷德意因而中格則臣之所大慰也再三躊躇仰遵

明旨除事關

有分別

意法良美

與一時人  
益

國本抗言得罪者查開職名不論存沒另本奏聞外而建  
言註誤臣灼知的確者先行起補其餘次序採訪不出一  
兩月而咨諏當無不盡進用亦不相遠况施爲有序貞關  
漸通銓法自不得不爾也惟祈

聖明疏上即下用如流水人如積薪則浩蕩之恩于焉  
可廣而師濟之美于焉立見矣

防遼

起升鄒元標大理寺卿劉光復光祿寺丞周曰庠太僕寺  
少卿朱一桂太僕寺少卿朱國祚南京禮部尚書馮從吾  
尚寶司卿李宗延光祿寺少卿

雖被斥在  
金花而實  
不在此

五日庚戌科臣惠世揚以朝政一新人情共暢言君子小人之進退關係國家治亂然而小人不退君子不進故引蠹賊不去嘉禾不生爲喻時諭偉之

六日辛亥周朝瑞言慎初三要信任仁賢推廣行仁斥遠嬖佞

上諭內閣朕覽文書見吏科給事中周朝瑞條議仰獻愼初三要內停止金花銀兩朕即位之初言路方開礦稅已報如何擅行漬擾此項銀兩原係舊制進內以備萬壽等節并典禮等項及各官賞賜武職官軍俸糧用之難減周朝瑞這廝要譽妄言本當拿問朕哀思

皇考妣梓宮在殯姑從輕降一級調外任用卿可傳示該部這銀兩還遵照舊規行特諭卿知

御史張潑論相臣宜內外兼用疏曰頃聞

皇上于哀次中面許枚卜是

皇上于政本之單匱亦既留心第未知閣臣方從哲奉行如何臣感恩錄用願效葵誠敢以卜之之說進蓋大聖立賢無方

祖制三途並用意自深遠國初爰立閣臣間從後辟乃今承訛襲舛衣鉢第傳于詞林接引多出于知己此不知開端何日作俑何人沿習舊規牢不可破此必閣臣事君

以欺謬謂舊例如此

本朝相業彪炳如楊一清楊士奇張孚敬等而當時起家何不專在詞林不特此也黃文簡以中書舍人入金文敏以給事中入黃毅愍薛文靖以御史入李文達方文襄以主事入又何嘗單用詞臣之爲拘拘也臣雖不敢謂詞臣概不可用亦不敢謂詞臣必可用遠不具論即如

先帝靜攝三十餘年一切軍國重務悉委之閣票然而閣臣與中官相爲表裏一切破格溫綸固有閣臣所不能得之上者中官曲爲擬之是中官固陰操人主之權明制閣臣之命又安敢與之爭夫閣臣而至不敢與中官爭天下

事尚可言哉在

先帝方自聰明總覽左右不敢道一字然而伺喜伺怒乘間進言閣臣心膽俱裂端在于此今

聖天子即位權稅罷織造燒造並停用人于朝勞軍于邊二百萬之金錢不難立發之內帑種種嘉政日無虛報此時中官亦無所容其技倆此非閣臣洗心惕慮之時乎第恐沿習既久遽難更易聞司監之款沿閣臣不過供閑體面而閣臣之謙卑遜順更爲過之蓋繇閣臣起家翰林一路淡薄直至進步黃扉始爲羶路功名一日到手便自有慾無剛轉身便成軟熟遇事安能把持故長安嘲言詞林

馬妻十思  
者不少

入閣謂之喫蔗頭。夫蔗甘蔗也。甜味也。入閣而既啖其甘。又思其苦。故富貴功名。愈咀嚙愈有味。偶有意氣妻子奪之所以含垢忍耻。寧死不去。但憑乞窮于中官。及不顧咲罵于人世。人之好修。誰不如我。表表藝院實間有人。臣非敢謂繇詞林入閣者。盡出于此。但據目見。沈一貫。朱賡。奸貪鄙瑣。漫無樹立。謬意在習于清高。遠于風塵。盤錯木經。紛華易溺。一旦遭大投艱。不覺手忙脚亂。若外臣清議。既重。糾察亦嚴。磨礱之久。頗多諳練。等到太位臨頭。時亦倦游思返。陳力就列。不能則止。故園之徑。儘可歸息。何必閣臣之兢之業之。始愉快。而日仰中官之鼻息爲此。一閣臣



也。在外官處之爲宦。成在詞臣處之爲始。進夫宦成易捨。始進難割。公私自應易見。不捨官便不能做官。故今日之枚卜。惟卜其能捨者而用之。斯過半矣。從哲獨相七年。人言頗多。臣方以枚卜事厚致望焉。姑不細舉。以阻善念。俱乞

陛下而諭同事諸臣。今日之事。決不可仍襲舊套。止用詞臣。務于中外覈歷中。求才識老成。德望隆重者。與詞臣並推。疏中先注外臣應用者某某。後注詞臣應用者某某。兼收其舉。力請並用。苟其才德可以救時。則名位可以不拘。熊廷弼以御史而用經畧。入遼數月半。僻保全。此亦近日

不拘資俸之一明驗也。蓋閣臣名位既不相下，則首次不可太分。一切軍國大務，唯唯伴食，自處後輩。蓋一人之聰明有限，衆人之識見無窮。萬一首相而有偏主于其間，如沈一貫等，即一日而用十人，亦于人等耳。何益哉。

先帝以靜攝而安于廢弛，閣臣以將順而不能救。正是奴酋之叛逆。

先帝釀之。

先帝之廢弛，實閣臣悞之也。蓋枚卜之事，舉行雖在吏部，而主張獨在閣臣。若閣臣肝腸既易，則部中之推選自速。不然則外舉之而中格之，無用也。

聖主勵精圖治言聽諫從從哲開誠布公在此一時彌罪  
救過亦在此一舉若追隨積習曲徇體面

聖明在上人言再及恐從哲亦自追悔不及也然則卜之  
之術如何必有孫丕揚之執持而去其誤有張居正之作  
用而去其驕或二人而衆妙俱備或幾人而才德相資務  
令集思廣益之餘得收俊偉光明之業美政方新難待汲  
水于西江謀之于國豈無清而有幹者雅負救時之名羽  
儀旣著難聽夕臥于東山求之于野豈無直而有聲者幾  
係蒼生之望博而訪之獨而斷之是又在部臣苦心不然  
此日推敵不精臨于幹局無濟又令詞臣貽笑謂外臣相

二頁即史  
聖旨沈潛

業亦不過爾爾則亦何取于兼用爲哉臣言若激臣心欲  
幅臣草疏畢忽接邸報見閣臣方從哲一跪乞亟補閣員  
奉

聖旨朕覽卿奏具見忠悃方今邊方多事正賴卿運籌帷  
幄主持匡勦所請閣員准將先點閣臣二員允用還着吏  
部再推見任在籍素有才望的七八員來簡用該部知道  
欽此夫先點原無內外之名再推又無兼用之旨然臣之  
忠不敢以旣奉

明綸遂寢不以告故乘間而畢其款款之愚如此伏惟  
聖明垂察另

勅該部內外並舉施行

吏部奏請冊立

東宮

上曰立東宮謹遵

遣詔于釋服後舉行禮部其擇日具儀注

七日壬子定朝儀

十二日朝過仍照舊三六九日祝朝

造曆

議以明歲改泰昌元年大統曆日

八日癸丑御史申廷謨爲枚卜推舉疏曰臣謬叨書世路蒙

皇上災風解雨之澤，彈冠結綬之初，此真千載遭際，頃  
皇上御極以來，新政畢舉，而元氣通，用人行政，皆下令流  
水之源，善言善行，有機決江河之勢。此又一時唐虞，但目  
今最喫緊重大者，無踰卜相。論云：天子之職，在于論相。又  
云：相道得而天下理，則今日正。

皇上首論相臣之日，而亦相臣奮發可爲之時也。臣稽往  
牒見國運之否泰，全繇相業之污隆。故畫一規隨，蕭曹以  
之基漢謀，斷相資協心，輔政房杜姚宋以之造唐。司馬光  
韓范富歐諸君子相繼登進，而弼成慶曆平明之治。殆至  
操莽進而災運歇，張九齡不與李林甫共容，而唐室亂。王

呂張蔡之流，深根固蒂，更迭起伏于宋，而宋祚衰，繇此觀之，相臣之關於人國何如，而可以草草議登庸也。頃奉明旨，速推枚卜，又思及見任在籍，素有才望者，以煌煌天語，固夢卜之選，思而無方之妙用也。諒常事諸臣固不至恣胸臆以負。

明綸抑才賢以辱大典，然臣之過慮與其成事而爭之後，孰若先事而慎之于前。臣竊妄意以爲今日之景象，雖朝政改觀，而邊庭之匪茹正熾，雖茅茹繼登，而草莽之麟鳳尚多，則今日之議枚卜，必其望足以服衆，才足以濟時，學術足以匡時而致主，籌畫足以集思而獨斷者。中朝相

司馬而夷人爲之戒嚴韓范富甲兵而西賊爲之破膽今  
果有通國之輿論質之卿大夫而無間衆正之公評達之  
四海九州而無異議是亦服衆之類也世治則庸夫高枕  
而有餘時亂則聖哲馳驚而不足故事變之偶庸衆駭爲  
非常大任之投豪傑當之裕如今果有胸中見定彌天地  
而不惑眼底看真搖泰山而目不瞬是以衆人因著以知  
彰智者見形而察隱故李沆之進水旱預防侈心寇準之  
拔眼釘終嗟噬臍徽柔未雨杜侮辱于下民曲突徙薪防  
焦爛于未見若夫我非堯舜不陳王前平生所學止此四  
事則致主之猷可知博聞強記尚友千秋周爰咨謀俯探



當代則集思之量可知矣。如此才品識力而又斷斷休休容賢利國元化在手。一夕之精神實注必用調燮引躬四時之氣序贊襄無窮。甚至都兪吁咈不違道而違君。可。否是非不信心而信理。凡此皆偉哉名臣事業。卓然大臣事猷也。有一于此將見開誠布公以天下心用天下人以天下人弼天下治。何太平之不可立致哉。此言詞林之內朝野博求也。若夫內外兼用尤不容已焉。

國朝相業爛然彪炳者內固不乏外亦間出。

國朝如楊士奇李賢張孚敬楊一清等皆以郎署起家一時表表此非。

祖宗之故典而已事之明效乎如昨歲廷臣建言亦曾會推一二外臣但非老夫耄焉寄移露于艸頭則以玩賢飄然挂虛名于簡末此無論序不相及漫勞點綴抑亦時不能待旋歎河清使舉朝登進之苦心等于畫餅而

聖主無方之美意託諸空言且因以擲論外廷之無人此用之名而不用之實也今齊漸安在在搜羅明明開列係翰林者若而人係外廷者若而人共爲啓奏務求用則同用點則並點庶兵農錢穀各有歷練之人強弱虛實其呈已試之效將王良在御必無泛駕之憂而齔鰭平分又何覆餗之患哉繇此推之起廢亦大關周行均沾雨露勿執

偏見各秉虛心使上不虛賜環之恩而下無苦佩玦之  
歎不更稱新恩之盛事而熙隆之美觀哉。臣一得之恩  
懇懇自效如此伏惟

聖明採納焉

九日甲寅表應泰巡撫遼東

起太常少卿程紹

十日乙卯

上不豫

御史鄭宗周奏救時切務一曰克仁義謂空復

祖制貽金花于太倉民庫備遯以寬民力一曰明賞罰謂

宜嚴治遼東敗將逃兵之罪、疏入被除、

按

大明會典內廟金花原係國初折糧銀兩、俱解南京、  
但武臣俸祿各邊緩急之用、嘉靖二十二年題在解貯、  
太倉民庫備九邊急用、不許別項挪借、有此則如承可、  
減也、楊錦霞師李推翰割地李如柏失機劉國、  
新崇錦囊大有影響、其律不嚴、皆當違問正法者也、  
十一日丙辰御史舒榮都獻治安策三字言所願于廷臣、  
者在虛公二字所願于

皇上者、尤在嚴之一字、蓋欲根究楊錦李如柏鄭之范劉、  
因緝保舉之人、于以破私交、絕賄賂、則能得忠誠貞幹之、  
才以濟遼事、而其最要處則更係于擇相、可謂名論、

戶科李若珪陳五事、曰保

聖躬定聖志、勤視朝、開經筵、慎枚卜、

臺臣張潑奏言、路漸見清明、諸臣當和衷以佐隆平之治、  
十二日、丁巳、

上御門、

科臣韓繼思條議、用人宜去議論、以收真才、

十三日、戊午、臺臣黃彥士謹陳要務疏曰、  
聞

先皇踐祚之初、勵精圖治者二十餘年、及後臨御日久、

漸積倦勤、乃至升遐之日、人心愛戴、無易者、則以

積累之德澤可懷也、當日之威靈可憑也、即深居靜攝、

而聰明剛健之

聖質難蔽也。然而倭惜官爵，蠶積財賄，寢綏提答。天下  
其頽廢于積弛積玩者亦不少矣。

皇上宵在青宮，純德有年，而龍光未耀。所習見習聞者  
皆

先皇倦勤之近事，非勵精之會，則今奉

遺命，承丕圖數日以來，用人才，下章疏，發內帑，撤稅墾，中  
外歡騰，軍民鼓舞，誠足以副

先皇付託之重，銜

九廟靈長之福，即成康之美，不過此矣。臣躬逢盛際，敢無  
喜極而慮其後，頌畢而繼以規乎用是列爲十條，敬呈

堅孝思

清覽焉其一隆孝思臣執筆事

先皇太后喪臣嘗以服制疏請留中未報然聞

先皇俯賜聽納宮中不解衰服臣竊歎

先皇之孝古今之純孝也四十八年全盛之業傳之

皇上恩尤爲難忘臣謹封前疏呈覽伏乞

皇上下禮臣條其所宜着爲定禮權于易月之中不失三

年之愛不惟

皇上不敢忘

先皇即不敢不爲求治道以安

先皇之靈而于一代之典禮亦有光矣至于

攝  
聖躬

先皇崩逝。貴妃尚有數人。宜正其名位。均其恩澤。居處稱號。毋僭毋凌。愛其所親。孝子之心。諒應若此耳。其一曰攝

聖躬通者

登極之日。諸臣見

皇上瘠質清弱。就不慮切心。體惟恐有傷。切思保攝之道。無如

親御講讀。而講讀之官。惟談吐清白。訓釋明豁。欣然入耳。不逆于心者。方稱妙選。繇是屏遠婦寺。時與周旋。畧朝謁之煩。嚴就啓談之款。洽舉古訓。則可以養心。訪時務。則可



以練事養心則義理明而君志益清練事則嗜慾奪而君身益固君志清則堅萬類而不淆君身固則應萬機而不困盛德大業令名永壽未有不基于此者其一備輔導語曰時常無事庸夫高枕而有餘及其有事賢哲馳驚而不足通易世之際古稱艱鉅而晏然無驚亦值其時然也而謂今天下非有事之時哉臣考

先皇初年輔臣多或五六人或三四人今獨相累年可謂闕負之極矣蓋緣

先皇恫于用舍之過父或厭弃人才扼抑殆于中斷今之沉淪下僚者皆當年卜相之地望也

先皇在日曾點閣臣二員

皇上俞允用者也。史繼偕被論新出無復還之理。惟沈淮一人而已。餘速推七八員。臣以爲宜不論資格不拘內外不限方隅惟其學問足以成君德識力足以擔世局忠誠足以格主心議論足以回睿聽者兼才可以調甘苦之和。慎簡而信任其于一德庶有濟乎。其一勤政事。臣聞古者人君日出而視朝日中而聽政日晏而寢處夫既不勞形敝精亦不廢弛政務誠御世之準繩也。

皇上旬日以來纔與輔臣一面耳其餘大僚不過循陞謁故事批荅雖速延見尚稀。臣以爲臨軒之日宜時御殿召

輔臣卿寺則訪以近日有何急務科道諸臣則訪以近日有何空言四方差遣面引奏事亦訪以近日有何疾苦尋常職掌交相策勵重大機宜親賜裁決必惜寸而惜分毋作勤而作怠斯乃無叢脞之患矣其一通言路臣與諸臣以言事

先皇指摘不避乘輿彈劾不憚權貴可謂昌言之朝矣故獲免多言之罪而不獲幾一言之川此臣下之利非君國之福似乎以通爲塞者

皇上初臨羣臣以言事

皇上者孰不願効一得之愚特恐

興廢并

皇上以規爲填耳所願

皇上法言謹言立賜允用以究其利之所暨即危言竅言亦無惜批發以定其是之所歸使人各得言所欲言而言路以闢而通又使人擇言後言而言路以清而通也其一  
起廢并廢棄諸臣

皇上業諭銓臣分別起用銓臣亦云容臣咨諏諸臣中有  
因

皇上青宮初起過計而跡于譴激者有因

先皇橫使四出力爭而鄰于倨侮者有彈擊權要而招尤者有救護忠良並逐者有誑誤可原而全瑜難掩者有形

跡可疑而清議自存者雖其才品不同皆足備

聖明之錄用其或有累經論列清議難容匿影潛形窺伺  
朝典者此輩即使長有丘嫂已爲厚幸豈可濫廁名流希  
微新寵謂宜考其去國之情繇參以平心之公論毋以  
影響而輕訾老成亦毋以暴補而反空善類總之以遺簪  
故劍之愛收鴻達龍見之英而已其一振吏治邇年已來  
吏道襍而多端人情兢而鮮耻風自下流咎繇上作考選  
速者就不厭遲而趨速求高下者就不避下而就高遂使  
苞苴竿牘公行于白晝大都之中賢者不能自免其勢然  
也若使高下一逞其才能遷轉一叙以資俸顯秩若此遷

謫亦然。正途若此。雜流亦然。顧非銓步子。諸司共相振刷。而又以

皇上嚴旨申飭。欲以挽風會之流。莫繇矣。至于武職一途。狼狽特甚。人地莫問。賄賂是聞。將領何繇得人。邊境安能無事。所當一體申飭者也。其一謹閣寺。

太祖時。閣寺但備洒掃之役。今已極重。難返矣。惟是環侍不離左右。而嘖咲必不可假借也。僕御各有紀綱。而政事必不可干預也。御幸必施恩數。而錢糧必不可破冒也。蓋此輩雖間有賢者。而君側每易于爲私。嚮之則國或受其敝。而遠之則彼亦慕其安。至于

聖旨口傳何所憑據恐以售借叢媚寵之奸錢糧孝順成何名色祇以開乞恩規利之實在

先帝末年幾至橫決

新主當陽正觀望意嚮以爲行止之時若萌芽不翦將滋蔓難圖矣其一嚴武備

國家都會重地惟恃一京營京營兵十二萬冊籍半虛其存者皆市井傭販一旦有警求其禦侮必不得之數也說者謂營兵不敢汰汰則激而成變不敢練練時亦激變然則不汰不練遂可聽其無兵乎一旦有警又別求兵用之而徒留營兵爲坐耗太倉之具乎皆不通之論也夫京營

其總也、摠之則十二萬、散之各營、則千百之衆也、總之能爲變、散之亦能爲變乎、其能爲變者、必其健悍者也、汰老弱、必先收其健悍者、健悍者收、則樂而用命矣、老弱者能爲變乎、營兵糧薄、練久則慣坐、其計是矣、然今之練法、終日不輟、亦復何用、必使精好技畧、弓矢則于必中、刀擗期于必利、行陣步武、則于合度、金鼓旗旆、則于應節、毋徒虛衍故事、日習之歲、以再舉、何憂于不熟乎、

先帝末年、習于惰綜、士氣難振、若

新天子赫然震奮、文武大吏各供其職、號令嚴明、賞罰必信、而何令不行、何禁不止、不憂其不爲、而憂其不可爲、未



之有也。其一固邊防。未有數十年無事者。今亦極而徵變之時矣。遼左特其先發者耳。故遼事決則各邊之謀。寂遼事不決則各邊之騷動。必然之勢也。臣切料各邊之勢。宜以備爲正法。以款爲權法。今

新天子振長策而馭宇宙。正華夷仰望之時。邇者犒賞之發已足。以作士氣矣。更宜傳示虜酋。各安境保民。勿相侵犯。

先朝撫賞。俱無虛減。以昭恩信。悉如

明詔。諸虜憚

新主之威靈。戀撫賞之厚利。必不敢動。而我出其全力。一

意于遼遼之事則惟經略之是聽而上下齊心內外協力以赴之必兵馬鱗集于堡寨糧餉輻輳于遠近官屬足充任使將領足備驅策乃爲濟耳蓋使經略而不足任也則亟宜易其人使經畧而必足任也則不可掣其肘不待智者而後知也至于經略之才尤不可不亟搜至夫死生之患人不可知亦無可奈何者也邇者經略以病告中外惶惶莫知領屬倘此後病可尋愈則臨敵非卸肩之時自不得不以身許

社稷倘此後病果難支則總戎非臥理之地豈可以身累封疆經略之疏自處甚明 廟堂所宜長慮也 臣聞漢文

令主賈誼效痛哭之危言唐宗英后而魏徵列十漸之明  
戒蓋忠臣愛君寧言于未然而不中毋寧言于已然而難  
挽也況今日

宗廟社稷其責萃于

皇上之一身其機決于

皇上之一日故不揣愚昧僭陳私惻伏望

皇上採納施行

上諭內閣朕今早御門見得有班行後隨從執步洒金大  
扇回至省愆居忽聽有散班官于會極門高聲喝道朕御  
門後深思治理朝儀嚴肅豈容褻慢本當重治姑且不查

此疏入即

案

聖

俞納可見  
最舞之

妙

究卿可傳示大小九卿科道各官以後凡遇臨朝務要十分敬慎如有仍前肆行紊亂朝儀的許糾儀官指名參來定行拿問重治不宥特諭卿知

十四日己未御史史永安敬陳交濟之道疏曰臣受命以來仰窺我

皇上至仁浩蕩地厚天高大政流通風行日渙疏撤稅使下枚卜補大僚久視朝用科道俞冊立種種徽懿莫可殫舉清寧宇宙立見于旬日間矣夫復何言第思堯舜之朝未始無都俞吁咈而文武之世且需于旦夕弼承况人臣生當不諱之朝自奮敢言之氣則曰直何所不可哉

故未相機宜。妄希披瀝。設爲未必有之事。過爲不必然之防。欲以成

聖明之善。反以疎堂陛之交。是進言者之過也。爲今之計。人臣所當自靖者有二焉。一曰嚴章奏之體。曩因否塞日久。諫啓靡襍。累牘無非鱗甲。聚訟幾成鼎沸。甚且鄙俚之談。叅之白簡。戲謔之語。達之紫宸。披靡至此。國體大乖矣。夫辭尚體要。自古重之。况章奏何辭也可。無體要乎。惟曰寧簡勿煩。寧顯勿隱。如指陳一事。達其事而止。枝蔓可以盡裁。如舉劾其人。無滋射復。無傷雅馴。明白正大。俾九重之上。萬機之暇。一覽無餘。不思而得。則聽者樂聽。言

官之設欲因事而納言非欲言而索事如必按人而疏計  
日而奏則人未必與事合事未必與日偶相值泛而涉之  
爲支強而聒之爲躁言不錄衷何以聳聽今批答及時對  
揚不易惟是洗滌寸心滋培正氣不當言則瓶可守當言  
則鱗可披勿顧慮而失可言之會勿激裂而阻納諫之門  
寧就事而修達意之辭勿恣意而飾不情之說大抵言期  
于利

宗社不必矜名節言期于明國事不必附清流使  
朝廷得受言之利而人臣無進言之名則得矣斯二者下  
之所以承上也至若

聖明在上原無籍于人言而進言者未已也豈爲嘵嘵哉  
蓋臺諫職言司馬職兵司寇職刑不言則不職是有不敢  
不言之責且數年壅結一旦遭逢三咨題留奮庸百年希  
遇曠典是當不得不言之時也此而不濯腸浣肺獻可替  
否縱

聖度包涵可託緘嘿而清夜捫心何堪愧汚是又操不容  
不言之心于是不得已而有言于

主德清明之際欲益濟其清明于

朝政粹美之時欲益臻其粹美本將順也未免推廣其端  
未宣揚也乃至預杜其萌則獻言之心獨苦矣故體下之

心茹納之所望于

當宁者亦有二焉

人君其尊則天其明則日其喜則和風淑雨其怒則雷霆  
迅雷故以艸墊視明延則言難以庸職視

聖主則言更難即形之章廣欲言者十不得其七倘使之  
面奏所言者十不得其三今

皇上勵精聿始圖治正殷方且臨御日親召對日舉  
尊嚴之下少有逆耳誰不神懾而意沮乎且

溫旨而詢

和顏而受固受言之第一義矣是



陛下之威宜睿也。管設鐸建鼓。罔非求言。惟揚善隱惡。斯成大智。故人有瑜瑕。言豈無醇駁。惟于數十疏而得一疏。即爲可采之荊。菲于千百言而得一言。是亦可備之藥石。聽其所可聽。以沛江河之決。置其所不可聽。以示山澤之虛。則感荷憐幪者。爭効涓埃。衆思所集。不旣多乎。是兼收之益。空弘也。斯二者上之所以體下也。如是則上無遺聽。而後下無擇言。

明良喜起。風不在唐虞。而在今日矣。臣際會明時。不忍自負。因獻一得之愚。而陳其惻款如此。惟

陛下留神奉

聖旨這所奏進言納諫有裨交濟之道知道了着該部知道

建儲

十五日庚申大學士方從哲奏曰適文書房王體輒恭捧聖諭到閣云朕皇長子年尚幼小體質清弱不奈勞煩明年先開講學冊立吉典卿可傳示該部待釋服之後擇吉舉行特諭卿知欽此臣捧誦之餘即宜遵

諭傳示已復思之自古帝王爲宗社大計莫不以建儲爲首務頃

皇上即位之初首允禮部之請臣民莫不以爲

國家萬年有道之長恒必繇之茲奉

明諭臣不勝驚惶無措考

祖宗朝冊立之期

英宗以六歲

孝宗以二歲

武宗則纔周歲未聞年十六而名位未正豫教未行如今日者前萬曆四十三年

先帝召羣臣于時元孫在側竊見丰采岐嶷已偉然

有成人之度何至今日而猶云氣體清弱不奈勞煩且已前次奉

旨明以遵奉

遺詔爲言。播之四方。傳之外國。誰不聞。且見之。赫赫王言。倏然反汗。豈所以承先志而示天下信耶。况禪服之制。在民間爲二十七月。在

朝爲二十七日。該部取擇九月初九日之吉。已去釋服半月有餘。正與前日之 旨。今日之 諭。兩相符合。其當允行無疑。復望

皇上念大典不可不舉。

遺詔不可不遵。

明綸不可不信。仍照前 旨。將欽天擇吉之本。即

賜批發。刻期舉行。上以慰

先帝

先后在天之靈下以荅薄海臣民之望乃

國家幸甚士庶幸甚欽奉

聖諭臣謹藏之閣中不敢宣揚于外徒使人心生一番驚

疑諸司增一番奏擾致我

皇上靜攝之中又增一番煩瀆也

漕督王紀奏請釋宗藩克鮮

克鮮疏疏救御史劉光復

神宗怒其違例越關奏擾廷臆沽名市恩賣直錮繫高  
皆五載時年已六十七衰病侵尋髮髯如霜幽囚哀怨  
天日慘淡行道淚下至是王總漕請宥之其疏扁切海  
內稱快

上尊號

皇帝制誦禮部朕惟古帝昔王有無疆之大烈飭華以降  
代著鴻名商漢以還益隆尊號匪獨嗣主對越顯揚之至  
意亦臣民報功崇德之常經也恭惟

皇考大行皇帝孝格神明仁兼位育始以勵精圖治迄于  
久道化成執勉勉之周綱解恢恢之殷訓用能使吏稱民  
安府脩事治愷澤無微而不被威稜靡勁而弗摧曆曆數  
于四十八年永祚胤于百千萬紀所謂生民希有天載難  
名者矣不幸

龍馭上賓攀號莫及嗚呼痛哉顧予寡昧嗣纂丕基屬訪

落之在茲、豈觀揚之敢後、然而冲人永慕、難慕日月之高、惟爾臣庶追思、其識乾坤之大、欲傳

盛美、宜協羣心、爾禮部其集文武諸臣、定議尊謚、擇日恭上寶冊、以昭我

皇考之休于罔極、欽哉故諭

十六日、辛酉

上不視朝、羣臣齊赴宮門恭候、萬安、

禮部進呈謚議文、

十七日、壬戌、典用閣臣、

吏部等衙門會推內外大僚二十人、

特召葉向高朱國祚

四者皆神之大要不可不行爲  
謹明者也

欽典何宗彥劉一景韓爌

上又諭內閣朕覽卿奏具見忠愛會推諸臣已點用了其  
東宮講讀等官効有勤勞應加恩典查例奏請朕思舊輔  
葉向高匡時偉器經濟弘才今國家多事之秋正賴輔臣  
協贊與尚書朱國祚一併差官召來同卿首輔佐理卿可  
擬來行特諭卿知

十八日癸亥楊璉奏四事

禮科署事楊璉申明禮制疏曰臣等恭遇

聖明踐祚百度惟貞凡用人行政有當言者諸臣處無諱  
之朝知無不言我



皇上大翁受之仁言無不聽臣等惟有稽首快睹太平之盛不敢輕瀆仰混

宸嚴惟是臣辦事禮科念禮爲四維之首。辨上下定民志。于是焉在。而總禮綱領則莫要于尊。

朝廷矣。切見二十年來。上下否隔。體統咸弛。威嚴日成陵替。幾不復知有

朝廷之尊。若不及今申飭。將來何所底止。用敢擢其大要。列爲數端。以佐邦禮之墜。以維臣新政之綱。一曰正

朝廷嚴肅之禮。夫堂陛有體。主嚴不主寬。管劉章丁外戚亂政之時。李勉當十戈搶攘之時。尚能彈治譴譴。肅清主

列我

朝禁制森嚴。昔在令甲。豈不凜于日星。偶因年來防衛廢弛。出入無禁。遂使

皇城之內。殿廷之前。凡游閒無賴。販夫乞兒。莫不摩肩掉臂于其間。每遇午門朝見。雜班行之中。閒人挨擠。往往拜起未畢。蜂擁而入。喧雜如市。如此景象。豈成法紀。近輔臣新奉

嚴諭。肅清褻慢。即當責成該部。及巡視錦衣等官。查照

憲典。參稽近弊。于一應出入跟隨人等。嚴加整飭。法在必行。如仍前違玩。誼譁不成。體統容臣等據實指參。痛加懲

創其儀仗所設傘扇旌幢等項以照臨百官急宜酌會  
改制以煥觀瞻至于開朝之法會典具載亦當舉行以防  
疎玩務令耳目改觀人心震慄其于新政不無小補矣

一曰通

祖宗遺制自御殿視朝而外有午門御門之儀凡機  
宜要務與閣部大臣委曲面商諮察詳慎不特傳旨判  
可否而已下至庶僚凡衙門從事者分常答應皆得咫尺  
天顏躬承揚摧所以人無不得効其忠事無不得要其妥  
先朝平臺召對不徒內閣輔臣即各部尚書如蹇義夏原  
吉馬文升劉大夏等亦嘗領問獨極縉綬甚有奏事移旦

不能起命近侍扶掖而興者

世宗齋居西苑撰述諸臣不離左右議論批荅宛如家人父子總之君臣情禮最防隔絕一有隔絕即開蔽壘諸司職掌最宜宣問一有宣問即便恪恭今

皇上聰明天縱皮始厲精臣奏請御殿與奉大慰謝恩之禮雖

聖躬小有違和必勉勤接見仰見太平盛事同符

聖祖不待臣等預爲申請矣而欣欣相告羣情尤願諸臣奏對之時懇恩垂問如吏部則問其叙用幾人特用幾人務爲官而擇人無爲人而擇官事有不稱并坐舉主戶部

則問其生財若何。節用若何。監司考成之法。無屬虛文。帑藏虛空之故。作何料理。倘至有事無備。何辭不展。一籌至于奴酋未寧。疆事孔棘。更當時詰兵部尚書。責其調度方略。戰守機宜。狡虜何時可滅。邊臣何人足仗。黃嘉善嘗自几前。悉稱料理以寬。

先帝之憂。今既淡旬。而核實奏功。安在。毋得虛爲担荷。苟且延挨。有負封疆。切妨賢路。凡各衙門。俱以吃緊事務。不時一加詰問。庶幾情竇。知儆。職守無曠。下等職在言路。遭逢

聖明。自必不爲朱雲折檻之直。掇楚碎首之患。倘有處置

失宜輿情未愜者容<sub>臣</sub>等補牘之外間一出班而奏親奉處分庶幾上下交通血脉流暢此尤新政之要務也一日明人臣進退之禮大進退貴于自決臣子之節也斥陟取自

宸斷人主之權也自邇來章奏寢閣裁決希聞凡舉世所號爲大奸大貪與夫頑鈍無耻公論所不容朝野所共弃者雖章滿公車安然不動或聞言後奉身而退似屬見幾然其有事體重大須憑勘處或贓私狼籍合當追究以先帝寬仁大度悉付之不較故有幸免斥幽之典而悻悻言歸偶寬斧鑕之條而揚揚自若故黑白未分是非安辨

臺省亦或有之。是君子勇退之高。反爲小人藏身之固。至若先聲奪魄。心悸勢寒。知怒衆而寬多。且抱頭而縮頸。或服闋病痊而不赴部。坐待華遷。或巡行省方而竟自賦歸。若無管攝該部之罰。處愈寬。將來效尤無已。諸如此類。全無政體。伏乞

勅下部院大小臣工。自今已後。凡經彈劾者。一一虛公核奏。如屬風聞。調重勘問。追贓。即卿貳大僚。與邊腹督撫等官。亦當以

國家之事體爲重。臣子之體面爲輕。空處者處。空去者去。幸無概從格套。由賜勉留。往日廢位單虛。人但謂

表式

先帝有辨事之臣。當用而不用。臣獨謂有竊位之人。當舍而不舍。夫用舍原自對立。使不肖者得營窟以蒙面自安。則賢者何以連茹繼登。此尤邪正消長之機。治亂安危之本也。一曰。中章疏奏請之體。夫古來文章有體要。況于奏對。尤貴疏明古意。晉先臣韓文。屬李夢陽具疏。艸而囑之曰。是勿可簡。簡則覽弗省也。是勿可冗。冗則覽弗竟也。此言可以爲萬世章奏之式。自

先帝時。封章多置高閣。于是渺無顧忌。言一事而旁及它事。言一人而挽入衆人。或稱其地。或稱其官。捉風捕影。若使



先帝一一披覽。必有茫然不解者。原其本意。祇在邸報之流傳。而不思

宸衷之注聽。但求其含蓄而味長。不務爲明白以易曉。推其語涉含糊。人可更換。于是巧者陰用其脫卸。而頑者亦付之不知。試問唐虞以來。我

朝嘉隆而上。有此等奏議否。今

皇上銳精圖治。百官章疏盡入

御覽。伏乞中飭諸臣。一應入告之文。務在情詞曉暢。不必連篇累牘。每人直載指摘。各撫按勘報錢糧刑名等項。亦須撮其大要。其應舉勘司道府縣等官。有廉表特異。而人

不足以副其言有貪酷萬狀而罰不足以蔽其罪是又當  
勅下部院定爲畫一之法使舉刺有章勸懲不爽此皆章  
奏之宜申飭者

先帝之厭弃章疏也聽之若充耳委之若故紙今

上方弘止輦之聽而臣子可無納忠之心此臣所拳拳而  
先爲

皇上告并爲羣臣告也以上四款臣蒿目疚心爲日久矣  
幸茲

朝政收觀易聽之日不避煩聒亟爲申請倘能

俯採末議隨見施行將見禮達分定內順外嚴之化未必

不繇于此。

十九日甲子禮部等衙門署部事右侍郎兼翰林院侍讀學士孫如游等欽奉

制諭會同公侯駙馬伯大小九卿科道等衙門大傅兼太子少傅英國公張惟賢等恭擬

峻德昭升配乾坤之廣大鴻稱顯錫揭日月之光華號繼易名永萬世之垂辭宜盡制隆一人之孝。稱天而薦率土斯安恭惟

大行皇帝秉神聖之資履昌隆之運軋行體健精收明作之功保太持盈端拱欽和之福奉

天道

樞肅

敦

簡

光文

天祇若而裁成，錫之範圍，法道自然而張弛于焉，合節即基命宥密，未易以窺而成功，文章可得而仰，若乃機神內蘊，智臨無方，發言盈廷，臧否靡遺，于鑒別明見萬里，遐陬畢燭其情形，哲莫大焉，謀不遁詞，權無旁落，獨裁之斷杜，窺矚以靖紛囂，千紀之誅，有重持而無錯貸，肅莫凜焉，藏納閎沈，不以櫻鱗而動聲色，踐脩純密，不以清燕而輟箴圖，大以成裕，敦之至也，豐裕自如，無宮室游畋之好，綱紀在握，無科條文網之苛，敬以居先，簡之精也，憲章則標高皇之宸藻，表

文祖之宏圖，誦法則析戴禮于經緯，署貞觀之政要，以至

章武

安仁

遷孝

銘齋頭箴省已弘制額以作人經天緯地之文不在茲乎  
安攘則經堡塞之款封遏外藩之侵軼武定則翦鴟張于  
川播殄豕突于朔方用能威四裔厥聞不隕大定武功不  
謂是乎緩刑宥過囚罪無冤濫之嗟發賑蠲租稔歲拯流  
亡之厄湛恩所沛溢于寰區即虞舜好生之仁茂以加矣  
崇居離鼎之極位而

兩宮賓天備奉胤思嬰服三載之通喪至性所鍾終焉孺  
慕即周文承先之孝無以加矣維茲功德之崇隆總屬輝  
光之著蓋惟昭明厥德翳中闡而外揚以故章變有成用  
安人而立政詢哉優游聖世而克闡王猷者也臣等歷覽

前徽叅稽令辟堯舜運乃神之德爰號神宗成王賁惟顯  
之天尤期顯行前儒且載軌跡可遵有如我

大行皇帝運際啓承道兼述繼粵自冲齡嗣服迨夫大化  
觀成襲德澤于

累朝而以久道滋培元氣爲之益深繼精明于

世祖而以深仁固護洪圖用以彌昌詎惟揚烈覲光臻日  
紀垂裳之治抑且裕昆彰範昭百年磐石之安夫非返百  
五而獨起稱昭代之最盛哉臣等謹協僉同之議式符節  
惠之稱

大行皇帝尊謚宜天錫之曰範天合道哲肅敦簡光文章

武安仁止孝顯皇帝廟號神宗祗協彝章求光宗裕臣等  
拜首稽首謹議奏聞

上依議命送翰林院擬冊文進覽

欽天監奏擇九月初四日恭上

大行皇帝尊謚冊寶奉

聖旨是

皇帝制諭禮部朕惟古昔正位中宮求宣陰教生而儷體  
沒則同尊粵有常典未之或改我

皇妣孝端皇后母儀天下四十餘年恪踐閨彝贊成化理  
子惠萬方發祥千載歷自蚤歲仰荷恩勤稟曆訓以保明

體宸慈而調護德莫大焉不幸

先考上升曾尊養之勿逮與言風木深疚於衷欲展孝思  
宜遵故典頃我

皇考雖定有謚號而備稽徽美恭薦鴻稱尚有

先朝之成憲今將屆祔葬祔廟之期爾部其會官議合行  
禮儀來聞欽哉故諭

皇帝敕諭禮部朕惟古昔踐天位者必追崇其所生誠繇  
因心之孝莫解於衷亦以不匱之思用錫爾類也朕荷  
皇天眷命奉

聖考遺詔嗣承基緒撫此萬方遡厥之源則我生母



溫肅端靖懿皇貴妃恩莫大焉朕昔在青宮既莫親於溫  
靖今居禮幄徒有痛於懷倦欲伸罔極之恩惟有肇稱平  
辰禮昔我

皇祖考穆宗皇帝上生母 榮淑妃尊謚曰孝恪淵純慈  
懿恭順贊天開聖皇太后附葬

永陵建奉慈殿於大內歲時享禮茲當如故事仰稽懿德  
恭薦徽稱舉遷祔之隆儀飾閔宮而孝享爾禮部其會官  
詳議來聞欽哉故諭

二十日乙丑部臣臺臣各上書元輔調護

聖躬請冊立 東宮

刑部主事孫朝肅徐儀世上方明法書恭惟老先生閣下數載端揆一生華業中外已有清評史冊自垂定論職等固不敢拾吐餘以時忠告亦不敢絕細務以分論思惟是日下人情惶惶所欲一仰望于閣下而閣下亦決不得不操心慮患獨肩其任者有謂讓

聖躬一事而已職等請竟具說而閣下試垂聽焉切念

先帝英明神斷度越千古凡所以慈愛

今皇帝者雖諸臣矢

天日于闕庭實

先帝主神器于宮序故彌留時獨以

今皇帝託重閣下

遺旨昭然朝野共知通聞

聖體稍稍違和而閣下問安之疏亦屢上矣。

今皇帝毓德青宮志氣清明精神強固從未聞有纖芥之疾也今

御極甫新即用人行政未免煩勞而左右起居必當防

慎閣下其知今日聖躬所以違和之故乎以煩勞而致猶可言也若以不

猶可言也。若知而袖手旁觀，不清官聞之隱恚，以負先帝之托，更不可言也。方今國是艱難，養癰備閣下謂鋪張過富，務為老成鎮靜之說，則靖倪監口難防。恐事關宗社，微有影響，能任閣下首尾兩端晏然一出，入風議而已乎。九廟有靈，天下忠臣義士有胆，願閣下熟思之也。職愚官卑言輕，妄為閣下計，惟有亟請皇上且晚冊立，東宮斷不必執九月初九之成命。庶國本早定，宮姁潛消。我皇上睹此大典，中興形神交說，如河如陵，萬年永壽，豈僅僅勿藥之喜哉。而閣下施展經綸，營營中外，照耀史冊，系榆之叔諒閣下決無容為此矣。職朝肅儀世等因讀

皇上恩詔，謹引諸人直言無隱之例，奉告閣下。惟祈裁奪。

宗社幸甚，職等幸甚。

山東道御史鄭宗周謹揭。本月十六日，職謬從諸人老

先生疏候

萬安傳奉

聖諭，覽卿等奏，知道了。朕今頭目眩暈，四肢軟弱，不能

動履且回各衙門辦事待召御醫時召卿等未見欽此  
聖體眩暈四肢軟弱至不能動履是何困憊是何急迫  
聖躬不安實以御醫不得其人用藥太乖所致事係  
宮闈中有意無意職不敢知惟是  
皇上一身乃

天地

祖宗之所托重四海九州之所係命當此違和之際爲  
人臣子自宜萬分敬慎可于溫涼濡潤之間浸不究心  
而輕試于  
君父之藥耶所幸二三元老會議棕棚慷慨矢志  
皇天后土

二祖先帝在天之靈式臨之恭捧

聖諭有待召御醫時召卿等來見之甫今靜聽二日寤  
寐思維何以即安且

聖諭中有知道了三字

皇上上席哲天授職固朴

皇上必知之然知之非艱行之惟艱夫亦知

冊立東

橫賢

所立

卓識遠慮  
寧心慮在  
大老

切中時弊

下事行金 身之二 三

宮之不可斯須緩乎。夫亦知朝廷之多

皇長子必不可不速移。慈慶宮。夫亦知

危蕭牆之多隱憂。一人孤立。下情不得上達。為亂安危

之大本。大原乎。故欲安

聖躬。則以亟請召見。擇暨為第一義。欲安皇長子。則

以速行冊立。速移慈慶宮為第一義。稽口

聖心。方在靜攝。不宜驟陳。然昏定晨省。孝子所以事親

掛闥直諫。古人所以決壅

聖躬安。則大本安。大本安。則天下俱安。諒二三元老精

忠報

主必有卓識遠慮。然決不可不加以意者。防微杜漸。使宵

小知外庭有人有所忌而不致逞。此亦安危呼吸之幾

也。人臣苟利社稷。外生以之。職犬馬微誠。即欲具疏奏

聞。然

祖宗大計。恐非小臣可以口舌爭之。敬聽愚見。伏候高

明審處。若曰。畏罪不言。則義之所不敢出也。謹揭

二十一日。丙寅。御史馮三元備陳目前要務疏曰。臣切見

遼左有事以來。出賦供餼。借資民力。而貧民者則滋其棄障

貪官所更  
釀成患  
而卒貽  
害中原莫  
可從止迫  
於禍者則  
和參郭通  
吳房者可  
勝誅哉

債速而倍  
何不樂為

守隧借資軍力而剝軍者則滋甚軍民兩困而求國之無  
危不可得也請言其甚者夫民之剝也貲官為甚所以  
用貲官者則事例為之濫觴也軍之剝也債帥為甚所以  
用債帥者則文職為之開竅也自東事議餉搜括加派不得  
已而開事例夫開之京官止濫名器猶可言也若外郡佐  
貳首領則責在親民亦與斯例彼起家非艱難所資非積  
累朝輸于官夕償于民輸者什伯取償者千萬處心積慮  
惟賄是求夫朝廷不自取而假手于貲官此與自取何異  
堂堂

天朝惟正之供何憂不足而乃取之么麼階為民害臣不

願

聖朝有此衰世之陋習也。伏乞

皇上以撤稅之心。擴一視之仁。一切事例。悉爲停止。庶民  
生不窮促。海內猶可爲也。至若沿邊軍士。荷戈防虜。風霜  
砂磧。所恃者將領得人。恤寒憶苦。猶可得其一臂之力耳。  
乃官之得也。以債而取之。聽其償也。寧不以剝而填之。故  
列賢錄功。未必得補其補也。必關通於道路。積功累勞。未  
必得遷。其遷也。必重託於主司。沿習既久。副將游守。悉有  
定額。腹裏邊方。俱設成資。賄不入寧。懸其缺以待其人。其  
人既列。又勒其數。以稽其候。夫稱貸而益。欲無克剝以求。

制軍之  
俱上教之

償乎哉又不願

聖朝有此相煎之敝習也伏乞

皇上天語叮嚀嚴加申飭庶將帥得人邊鄙不俱危也不  
然仍而不變邊隙日生其于國又何利哉至于遼東一事  
天下視此安危故遼左安天下亦安遼左不安天下脊脊  
動矣今之羽檄徵兵飛芻輓穀水陸兼輸召募並用者悉  
爲遼也一歲之中財費幾何軍興幾何士馬物故者又幾  
何進守者纔一遼陽與瀋陽耳而屯堡之侵克不與也又  
使期年而守鉄嶺再期而守開原撫順清河尚煩布置寬  
莫遼陽更假安排如此則用兵之期不下數年脂膏自煎



秋潦易盡此立罄之術耳夫遼雖危也比冒頃之危何如  
奴雖強也比虞允采石之敵又何如如必十八萬而後有  
功爲元宋久矣經臣長慮別自有謀非臣所知據其告病  
之詞艱難懇切似亦強弩之末也伏乞

此舉亦不  
待提舉  
病時

皇上勅下該部急簡素望之臣可任遼事者四五人預呈  
睿覽分別之部內爲贊襄之助外爲不測之需一旦有急  
猶可取資左右不致張惶而失措也不然疆場重寄祇此  
一人之身豈萬全之慮哉臣區區鄙見不勝社稷之憂  
爲此曲突徙薪之計伏望

皇上採擇施行

二十二日丁卯

上復召御醫陳璽等診視

大學士方從哲具揭候 萬安言 臣 詢醫官陳璽等知

皇上連日 御膳減少兼有痰喘腹痛諸症總繇

聖體向來虛弱加以

宸衷哀痛機務煩勞必須省事凝神一意調養方可臻勿藥之効至于進藥一節尤宜十分慎重昔人謂治病者以服藥有効爲中策以不服藥保養爲上策蓋慾寡心清元氣自固視藥餌之功奚止百倍倘用藥不當致有別傷其害及不可言矣 臣 一念犬馬之忱殊切憂慮萬惟

聖明留意無忽

二十三日戊辰

餉司楊嗣昌奏曰臣小臣也伏蒙

聖恩徑將本部坐開職名批允下部顯是異數揣分不敢承當伏念新餉事大臣蒙本部誤題於義不敢規避除一面星馳請

闕外臣于四十八年二月起程前往南直臣惟

聖諭一則曰屢有明旨着該撫按等官設法徵解如何不行盡心料理以致部庫匱乏顯是各官坐視不理漫不經心而終之曰其各省直拖欠等項銀兩便差官立限守催

解部應用，欽此。仰見

聖心于臣部匱乏，孜孜墜悸，若謂差官一出，當有勝于撫按等官者，不知省直地方，法令素行，吏民素習，其實不如撫按等官。臣入境初，檄其定催餉三事，移會撫按衙門，新餉款日爲一事，內庫本折爲一事，舊欠京邊爲一事，詳其完欠名數，第其緩急輕重，一時撫按諸臣，幸同心力，檄下催徵，刻期完解，有不待臣詞之畢者。臣身離地方，復于吳山駟陸續分發各府州縣催償文書七十餘件，最後單行查取新舊已完數目，順挨年月日時，另造簡朋揭帖，以備回部之日進呈。

御覽甫行未報驚聞本部坐題理餉不敢淹留所有前件已完臣即親具揭帖到部其餘未完仍聽撫按嚴督施行此不過奉宣一紙

王言稍醒闐闐耳目便知

朝廷之上有此不得已之催徵地方之官有此不敢後之功令耳臣誠仰負

簡書無所逃罪顧自三月至八月為時已久江南則歷應太徽池蘇松常鎮等府江北則歷安廬淮揚等府臣審聽徐觀殷憂滿腹非職所當言而不敢言者臣在應天聞淮北居民食中根樹皮至盡甚或數家村舍合門婦子併命

于豆箕麥桿北渡江後灶戶之搶食稻飢民之搶漕糧所在紛紛猶曰去年荒歉之所致也至于江南米嘗有赤地之災稽天之浸竟不知何故洶洶嗷嗷一人鎮江斗米百錢漸至蘇松增長百三四十而猶未已商船盼不到關米肆幾于罷市小民垂索偶語徘徊大都妄意私家思圖一逞爲快甚有榜帖路約堆柴封燒第宅幸賴當事齊之以法一時扑滅無餘不然遼左凶殘近在心腹矣臣爲催餉之官非敢爲地方怖告但念東南財賦之重國家緩急所恃只謂蓋藏頗厚爲

朝廷之外府耳豈意公私蓄積大抵無餘習情無改于奇

婦物力日趨于凋落三衢九市非不滿目繁華閭里窮簷  
止聽兒啼女哭所以男子疾耕女子紡績不足了官稅而  
定私家蓋東南一大病痛而海內漸染其不化而爲東南  
者幾希矣臣謂今日不獨遼左師行糧食當商結局之期  
抑且顧瞻閭左民窮財盡當講開源之術是在撫按諸臣  
隨地講求自當幹辦以足食足民裕民者裕  
國或庶乎其有濟也不然奴酋一日未滅新餉難停遼東  
索之臣部臣部索之地方地方索之百姓百姓索之何處  
豈可不爲料理今日百姓尚知討賊尚可催科只恐百姓  
自己作賊誰爲我

皇上催科者今日理財二字

君相決當猛省而後民生可厚國耻可雪片謹因催餉舉其大端伏乞

聖明垂察

定 瑞惠桂三王封國初議中府東昌平陽已而 惠桂二府改于荊州衡州

禮部奉

聖旨元妃郭氏才人王氏俱加封皇后已有 旨傳諭着即議謚及合行禮儀具奏

已已



御史王遠宏上言治平第一要務大約以欲安民生無如  
綜核吏治而摠核之法不越徵收詞訟兩端蓋每郡每邑  
俱有正賦而一錢一穀皆民脂膏若苛罰侵擾是小民片  
詞之受祇爲官胥囊橐之資耳凡犯此者重按其罪

戶部請添設海運兵備駐扎淮安往來津閘間專理運事  
給事中楊璉奏曰臣觀尋常士庶人家主人偶有疾病二  
三親友猶爲覓醫看視一醫無效急相責逐更求端士不  
忍以主人性命付之庸醫而漠不經心聽之造化而不爲  
設法何況臣子之於  
君父頃有所聞忌而不瀝血披心以告者哉

皇上續承大統以來勵精圖治銳意勤民兼以禮節勞煩且哀思過節用是小致違和原非有沉痾宿積之病也乃本月十三日諸臣再見

天顏大覺丰神清減不似登極之時至十六日恭隨大臣宮門問安旋奉有耳目眩暈身體軟弱不能履動之語諸臣各相驚駭謂登極之日共見

天顏粹穆玉履安和即或小有勞煩何以遽至于是及十七日大選有鄒內官出同吏部監打選官印子敬問

聖安並聞所以大不安之自乃知外庭所言進御不節流言果如臣等理度絕不相干全是用藥差悞所致臣等恨

不得食用藥者之肉剖心以自流傳之誣猶以事出  
廷不敢遽拊蒙昨

召見大臣親問

天語兩夜未睡米粥日食不多誰實悞

皇上困頓至此乃不願與此賊醫俱生矣而此賊臣者  
傳聞爲內官崔文昇也文昇不知醫不宜以

宗社神人託重之身妄爲嘗試如其知醫則醫家有餘者  
泄之不足者補之其事明白易曉以

皇上日日萬機熒熒哀痛精神不無煩費于法正宜清補  
文昇何投相反相伐之劑遂令

聖體一旦動履艱難眠食俱困至此哉然則前日外傳流言曰興居之無節侍御之蠱惑必文昇籍口以蓋其悞藥之奸與文昇之黨肆出煽布以掩外庭攻摘文昇者既益聖躬之疾又損

聖明之名文昇之肉其足食乎臣聞文昇調護府第有年不間用藥誤事

皇上初用文昇一劑偏洩補倒置若此有心之悞耶無心之悞耶有心則蠶粉不足償無心一悞豈可再悞

皇上奈何尚置賊臣于肘腋間哉

社稷有靈人民祝頌

天心效順定即勿藥然而藥不可廢亦不可不慎也。臣謂  
皇上睡少食少此不是大小諸臣甘食安枕之時閣部大  
臣恪宜尋諸臣中善知藥者日至

宮門前齋心問候同欽召御醫細細講求藥餌多方斟酌  
封付忠慎內官如法煎和以進至于文昇者懇發司禮究  
問處分傳示中外始知

聖躬不安全是用藥之悞以解道路紛紛之口并請

皇上暫輟機務沉心靜攝但隨意隨時召

皇太子同 衆皇子承顏導喜于前以養天性之真和又  
擇一二通書大義內臣時在左右誦說古聖帝明王病快

可喜之事。以清

宸聰。以醒脾神。如此耳目清肅。精神悅豫。旬日之間。勿藥之慶。定自

天保定之矣。唯

皇上採納臣署事禮科。接得右軍都督僉事鄭養性一揭。爲懇乞

天恩。收回封后成命一事。此一事也。

祖宗典制難干。

聖明當已有裁決。第婦人女子。愚不知禮。妄不安分。臣慮假借之端。一開。希覬之念。未止。請爲

皇上一開明其心。令自息其妄念可乎。夫禮之上尊稱。告  
播中外。必有其名。如養性所稱爲封者。尊之以嫡母。則于  
大行皇后有碍。尊之以生母。則于

本生皇后有碍。或以往日之恩。當酹耶。今日之情。難已耶。  
當年主壘未定。不聞有調護之深心。而此時長君踐祚。儘  
無取干沾沾承奉之虛文矣。總之

皇上非可以輕乞恩之名。天子無可以輕自卑之理。宮嬪  
無可以妄自尊之事。貴妃試思

聖母慈仁。配天育君。辛苦勞勩。垂四十春秋。我

皇上孝思無極。止宜崇上此皇后二字之追尊。如 貴妃

當年今日奉新恩。已是隆厚無涯。奈何又發生此心。不可萌之妄念哉。故鄭養性前日之請。收回成命。正所以善安其分在。皇貴妃今後養老別院。省心回念。凡朝見必須啓請。御無相攙越。更所以善安其分。善保全先帝之明德。于有終與殊恩無已也。若我

皇上垂念

先朝寵貴舊人。當若大海無所不包。荒雨露無所不沾。渥而名分自嚴。僭踰難容。亦願

詔旨無所輕發。閤臣徒滋中外臣民之惑。則

宗社幸甚。臣愚不知顧恩。要以愛



國朝後集卷之二  
皇上保民社稷之身并愛及子孫萬世相守之禮耳它固有所不知也。

二十五日庚午

大學士劉一燝韓爌充經筵日講

二十六日辛未

上召閣部九卿科道于乾清宮

上御東煖閣倚榻憑几

皇長子侍立諸臣問安畢

上命諸臣前連諭云朕見卿等甚喜又諭封選侍且諭連封禮臣孫如游奏曰臣等面睹

天顏耳聆

天語惓惓

聖意惟以選侍保震器國本爲重臣等自當仰體臣部  
前奉

聖諭上

孝端貞恪莊惠仁明婉天毓聖顯皇后

孝靖溫懿敬讓貞慈參天胤聖皇太后尊謚加封恭靖端  
懿溫惠郭元妃

昭肅恭和章懿王才人爲

皇后皆未經告竣若論先後次序宜俟四大禮既舉之後

若論

皇儲之保護關係甚鉅而撫育慈愛厥功之懋已明諭中外則選侍之封惟恐其不早即從該監之請亦未爲不可

上曰着照該監原擇九月初六日舉行

邊餉御史萬崇德上言臣惟遼自被兵以來民間蓋藏搜空欲盡田中耒耜停閣俱空惟附近之村屯恃兵馬之收集按時播種幾幸有秋詎意六七八月間旱魃爲虐草木盡枯無穀則民餒食枵腹立斃無少則馬腹絕食斷芻即倒援兵雖資外海運終慮艱難况運貯無幾其何能濟

倘後輸不繼、恐民有飢色、兵有離心、內苦倒懸之莫解、外苦攻掠之莫持、此時即竭太倉而往餉、罄全帑以往犒、而亦何救于危遼之數哉、在廷諸臣、總總據謨、無不謂計欲救危遼、當先飽士馬、臣愚謂計欲飽士馬、必當脩糧餉、蓋折色之糧、尤易那處、而本色之糶、實難猝辦也、先是督餉侍郎李一本、爲今歲海運達通、明春運餉未備、懇恩截留糶米十五萬、應濟蒙下部允給矣、此言明春之新運未至、閒暇可以運發而來、于今秋之旱災、民事尚多可慮也、近讀經按遼早之疏、始知遼方奴賊狎境、簡兵秣馬以施訓練之方、豈復窘米黍之用、查得遼東一歲約用本色二百

餘萬石內運派過一百五十六萬石。餉司單崇議請召買米豆六十萬石。今遠既旱荒無可召買。所議之數勢不得不借資截漕矣。但召買行于順永保河及真定五府爲數已多。即增之不過二十萬石而止。今勢急災民無可爲計。非再截漕米二十萬石貯于天津運抵遼陽萬萬不可失。夫漕儲根本之需。臣非不知其不可輕截。但內地與外遠安危存亡相距懸絕。且軍士赴倉領米。出即易錢。每石不過二百文。今扣新餉抵搭配發利及倍之。軍必樂從實出兩便。故謂之漕可截也。至召買馬料必于五府地方酌量發銀勒限報竣。今方秋成。勉從事乃克有用。然餉以贍

軍而舟以運餉有累累之米豆必借累累之船隻開寧前  
道臣王化貞監造運船整木扣底不畏風礁體既堅固價  
亦省便板木不難于構求工匠難于徵調所當亟取快巧  
木匠厚其廩餼相機以造又募善占風訊之長年以便其  
撐駕麻灣一路當不患船之不足矣淮安舡隻果如臣議  
添一道臣專理其事廣造廣募可必無悞若浙江協助淮  
安之船至今尚未發到寔爲玩愒倘別有效尤遼事去矣  
以無急公之念何望滅虜之功故意逗遛悞遠悞臣容  
臣查的該道每官另行參處外臣謹同督餉侍郎李其疏  
懇請截漕二十萬石仰祈速下該部復議乘今漕米到津

便於截留過此津頭須煩轉挽機不可失是在該部之速  
爲復耳召買豆料隨地酌量其打造船隻并祈

天語申飭不得悠悠泄泄遼東旱災之極俟按臣查勘明  
白發賑以濟庶三韓累卵之地士馬得以飽騰而奴酋游  
釜之魂旦暮闕下百等拮据遼事亦大有所憑式矣其  
于危遠未必無補哉

二十七日壬申

以李騰芳鄭以偉教習庶吉士

二十八日癸酉

刑科魏應嘉請正李如柏李如楨逗遛誤國之罪

知方從哲少保賜銀一百坐蟒衣一襲

二十九日甲戌

御史左光斗奏曰

皇上御極用人行政諸事而首注意東征將士慨發帑金一百萬兩人但知

皇上布德施仁如斯其周且渥也不知寒奴酋之胆而壯我師之氣全在于此因知

聖筭神謨非臣子所能仰贊萬一臣聞大兵之後必有大

荒大荒之後必有大疫近據經略揭報遼陽赤地千里芻粟一空人馬倒臥道路枕藉則今日遼東之患又不在無



銀而在無用銀之處何也。遼自用兵以來，米粟涌貴，加以旱荒之餘，石米四兩，石粟二兩，其一石尚不及山東之四斗。通計一百萬之費，分十五萬之軍，每丁得六兩，于銀不爲不多。而此六兩者，糴米纔一石五斗耳。縱是富人未免抱金餓死，且各丁月餉，河東一兩五錢，尚有三斗本色可以救死。河西一兩二錢，盡以市米，僅得三斗，而況無市處，目騰日貴，已不能支撐。眼下如何挨過冬春，不出數月，遼必無民。無民安能有兵？無民無兵，雖積金如山，何所用之？所謂非無銀之患，而無用銀之處也。爲今之計，急截漕二十萬石，乘風訊之便，運至本處，令河西河東一體分給。

恭

阿

本色各三斗仍量扣其折色俟來春耕作有獲再行區處  
此今日救飢第一急着也項徵調各兵皆以春間起程夏  
秋過都衣裳典盡赤體癯形大類病鵠不惟無堅甲乃更  
無寸縷又戍客兵大率類是轉盼寒冬餓死之餘又將凍  
死臣願

聚

陛下惻然軫念發帑銀二十萬勅下該部令廉幹司官作  
速置買花布星夜解赴遼東每軍給布二疋花二斤一如  
歲底之給散京軍者其餘趕車雜役亦量加賑卹庶挾纘  
之惠行而裹革之忠見矣此又救寒第一急着也臣聞奴  
酋殘極驕極勢不能不決一戰我以飽乃可以待飢我以

同治後信錄 卷之一  
援乃可以待寒此淮陰所謂反其道而用之者也。間經畧策奇制勝蓄銳養威行有待矣而客兵久戍思鄉亦以速一戰爲樂。臣未知堪戰與否但旣溫且飽矣而不能一戰挫鋒以報

朝廷雨露至而霜雪隨之

陛下之天威又誰能貸者伏乞

皇上敕下戶部令截漕糧二十萬石接濟啼飢再發帑金二十萬兩置買花布以救踰寒鼓人心而壯敵愾在此舉矣若夫長久之策必在通商惠賈以利民生省徭用屯以樂民業何專主兵何專主屯庶幾有備斯撫臣表應恭自

能辦此撫

明主一甲倭之而已矣

追奴酋于互溝

防邊

外甥女即  
賜愛台吉  
所生次女

延綏總兵蕭如薰報曰套虜吉能屢謀調兵聲言搶黃  
聖其實陰懷異志長未達年無例之賞入秋以來時有  
零竊今聚兵祭旗乘我徵調空虛狡焉鳴鑼蠢動為借  
兵端今報稱夷地爭相渡北起釁當此際焉壯惟所欲  
為在我內地時不可玩先年吉能將外甥女改嫁與河  
外甥女雖不言者先許焉延綏佐牧火落赤男麻記  
台吉為妻後太虎娘于病故吉能將外甥女改嫁與河  
東額義王下監市小頭目爾爾招不能長男小拓不能  
為妻比爾爾招不能帶領妻小賦帶筵席及牛羊在東  
路明愛台吉帳內與本酋女難知火落赤聞的憤恨暗  
使長男抄胡兒把禿兒帶領部落二三百騎黃夜擒爾  
留拓不能男小拓不能回巢明愛知覺帶領二三百騎

向落赤索俄知吉能又差第三兒子并吸喇麻僧大小  
台吉席會把禿兒等帶領部落前去討出火落赤堅執  
不與又有爾留拓不能開得伊男火落赤提去即帶部  
落兵馬往吉能帳內坐要伊男如不免還必要動兵廝  
殺

上再召輔臣方從哲等十三員于乾清宮諸臣問安畢

上仍諭冊立皇貴妃從哲等對以冊儲原卜期宜移近蚤  
竣古典以慰

聖懷

上因顧

皇長子諭曰卿等輔佐爲堯舜又語及壽宮輔臣以

皇考山陵對則自指云是朕壽宮諸臣言

聖壽無疆何遽及此

上仍諭要緊者再賜諸臣銀幣燒割○是日李可灼進藥